

唐會要

卷七十至七十二

諸道州縣新升雄望繁赤上中
州縣改置
十二衛 東宮諸衛 京城諸軍 府兵
馬 諸監馬印 諸蕃馬印

唐會要卷七十

宋

王

溥

撰

量戶口定州縣等第例

武德令三萬戶已上為上州永徽令二萬戶已上為上州至顯慶元年九月十二日敕戶滿三萬已上為上州二萬已上為中州先已定為上州中州者仍舊至開元十八年三月十七日勅太平時久戶口日殷宜以四萬戶已上為上州二萬五千戶為中州不滿二萬戶為下州其六雄十望州三輔等及別勅同上州都督及畿內

州並同上州緣邊州三萬戶已上爲上州二萬戶已上爲中州其親王任中州下州刺史者亦爲上州王去任後仍舊武德令戶五千已上爲上縣二千戶已上爲中縣一千戶已上爲中下縣至開元十八年三月七日以六千戶已上爲上縣三千戶已上爲中縣不滿三千戶爲中下縣其赤畿望繁等縣不限戶數並爲上縣去京五百里內并緣邊州縣戶五千已上亦爲上縣二千已上爲中縣一千已上爲中下縣

州縣分望道

貞觀元年三月十日併省州縣始因關河近便分爲十道

一曰關內道 古雍州之地

二曰河南道 古兗豫青徐四州之地

三曰河東道 古冀州之地

四曰河北道 古幽冀二州之地

五曰山南道 古荆梁二州之地

六曰隴右道 古雍梁二州之地

七曰淮南道 古揚州之地

故也奉先縣開元十七年十一月十日升以奉陵寢以張愿爲縣令醴泉縣廣德元年五月一日升以崔演爲縣令富平縣貞元四年正月十六日升以薛詵爲縣令三原縣同上年月升以王郾爲縣令咸陽縣天授二年四月二十一日以管武氏陵升以宇文意爲縣令神龍元年十月二十九日復爲畿奉天縣興元元年正月一日升以杜元爲縣令

新升次赤縣 華州鄭縣光化元年六月升至天祐四年閏十一月復爲鄭縣華州鄭縣華陰下邽三縣開元

四年二月二十六日定同州馮翊朝邑蒲城澄城白水等縣開元四年二月二十六日升岐州雍縣扶風陳倉三縣同上年月日升靈州迴樂縣至德元年七月十二日升寧州安定縣至德元年十二月九日升邠州新平縣貞元十年十二月升

新升緊縣 靈州懷遠縣至德元年十月三日升寧州彭原縣至德元年二月九日升鄜州洛交縣貞元六年三月三日升

新升上縣 靈州靈武保靜温池鳴沙等縣至德元年

七月十三日升原州平高縣乾元三年正月十一日升
賓州朔方縣貞元四年十二月二十八日升鹽州五原
白池縣永泰二年十月升丹州汾川縣大歷六年五月
升延州膚施門山縣同上年月日升

河南道

新升都督府 登州大歷九年五月升

新升雄州 汝州會昌四年四月升虢州同上年月日
升

新升望州 青州大歷九年五月升

新升繁州 鄆州徐州並會昌四年五月升蔡州元和
十四年四月重定淮西州縣及官吏祿俸以蔡州爲繁
其刺史俸錢一百八十千長史以下有差

新升上州縣 海州密州貞元五年八月六日升泗州
貞元二十年正月內升宿州元和四年正月以徐泗符
離蘄虹三縣置亳州元和三年九月升潁州會昌二年
十一月升唐州貞元十五年四月升

新升赤縣 河南府緱氏縣天祐二年四月四日升以
奉昭宗和陵故也

新升望縣 虢州闕鄉汴州浚儀尉氏開封等縣並開元四年二月二十六日升雍邱縣開元十二年九月八日升滑州酸棗縣開元四年二月二十五日定白馬縣大曆五年三月升許州扶溝縣開元四年二月二十六日定鄭州管城陽武新鄭滎澤等縣並開元四年二月二十六日升宋州宋城縣開元四年二月二十六日升襄邑縣會昌四年十一月升陝州陝縣桃林河北芮城等縣開元四年二月二十六日升兗州金鄉縣開元四年二月二十六日升汝州梁縣開元十二年七月八日

升仙州襄城縣同上年月日升蔡州汝陽縣貞元七年正月二十二日升徐州彭城縣貞元六年十月升鄆州須昌鉅野等縣貞元二年二月一日升青州益都縣大曆五年正月升

新升繁縣 虢州宏農縣乾元三年二月一日升鄆州鄆城東阿壽張盧縣貞元二年二月一日升兗州曲阜縣會昌二年二月升宿州符離縣會昌四年十二月升宋州柘城縣同上年月日升隸州汝陰縣同上年月日升青州臨淄壽光縣大曆五年正月升

新升上縣 號州盧氏朱陽玉城縣乾元三年四月十
 四日升汝州臨汝縣貞元八年二月二十六日升蔡州
 遂平縣元和十二年四月內置潁州潁上縣元和六年
 九月升唐州方城縣貞元十五年四月升陝州垣縣貞
 元三年十一月升

河東道

新升次赤縣 河中府河東河西縣乾元三年三月改
 新升望縣 蒲州河東安邑桑泉汾陰虞鄉等縣並開
 元四年二月二十六日升猗氏解縣開元十二年二月

二十六日升絳州正平翼城龍門聞喜縣開元同上年
 月日升汾水孝義隰城介休平遙等縣同上年月日升
 洪洞縣等同上年月日升并州太原晉陽祁縣等縣同
 上年月日升潞州上黨縣同上年月日升

河北道

新升望州 貝州大曆七年正月升
 新升上州 媯州貞元七年五月七日升定州元和四
 年六月改涿州大曆五年十一月升
 新升望縣 瀛州河間縣開元四年二月二十六日升

博野縣大曆七年正月升冀州南宮縣信都縣深州饒陽縣貝州宗城縣俱同上年月日升臨清縣大曆七年正月升相州滏陽縣開元四年二月二十六日升魏州貴鄉昌樂縣魏縣頓邱縣等同上年月日升館陶冠氏縣大曆七年正月升洺州永年縣開元四年二月二十六日升懷州河內武德武陟獲嘉縣同七年月日升德州安陵縣天寶八載五月一日升恒州真定縣興元元年十一月十九日升幽州昌平縣貞元十九年九月升薊縣開元三十三年十二月一日升

新升繁縣 魏州臨黃縣大曆七年正月升貝州清陽縣同上年月日升恒州石邑藁城縣興元元年十一月十九日升滄州清池縣大曆七年正月升莫州鄭縣貞元十九年八月升

新升上縣 媯州懷戎縣貞元十七年六月七日升幽州潞縣貞元十五年九月升

山南道

新升都督府 利州大曆十四年十一月七日升龍州長慶四年十月升

新升雄州 洋州興元元年十一月七日升

新升望州 襄州商州會昌四年五月升梁州永泰元

年二月升

新升上州 隨州貞元十五年四月升復州郢州並元

和六年九月升金州會昌四年五月升洋州永泰元年

二月升

新升中州 硤州建中二年四月三十日升

新升次赤縣 江陵府江陵縣貞元元年九月升為畿

縣興元府南鄭縣興元元年六月升

新升望縣 荊州江陵縣襄州襄陽縣並開元四年二

月二十六日升商州上洛縣梁州南鄭縣並永泰元年

二月升置鄧州穰縣大歷四年十一月升

新升繁縣 商州上洛縣乾元三年四月十四日升梁

州城固縣洋州興道縣閬中縣並永泰元年二月升

新升上縣 硤州夷陵縣上元二年六月十五日升復

州竟陵縣沔陽縣元和六年九月升隨州光化縣同上

年月日升商州雒南縣貞元四年三月二十日升郢州

富水縣京山縣元和六年九月升

隴右道

新升都督府 沙州永徽二年五月升

新升中州 威州大中三年七月收復安樂州改爲威

州

淮南道

新升繁州 壽州會昌四年五月升

新升上州 滁州和州舒州濠州蘄州並元和六年九

月升光州大中四年六月升

新升中州 申州元和十四年四月升

新升望縣 揚州江都縣開元四年二月二十六日升

海陵天長縣會昌四年十一月升揚子縣大厯八年五

月升

新升繁縣 揚州六合縣會昌四年十二月升楚州盱

眙縣廬州合肥廬江慎縣壽州安豐盛唐霍邱等縣舒

州桐城縣濠州定遠鍾離縣滁州全椒縣已上並會昌

四年十二月升

新升上縣 楚州山陽盱眙縣貞元四年十二月二十

八日升鹽城縣元和六年九月升壽州霍邱縣蘄州蘄

水縣舒州太湖宿松縣同上年月日升

江南道

新升都督府 辰州大曆四年六月升爲中都督

新升雄州 蘇州大曆十三年二月十一日升

新升望州 潤州宣州越州常州並會昌五年四月升

新升緊州 鄂州會昌四年五月升

新升上州 虔州袁州撫州饒州並元和六年九月升

池州會昌四年五月升信州同上年月升

新升中州 岳州大曆五年六月升

新升望縣 潤州曲阿江寧等縣開元四年二月二十

六日升丹徒縣大曆十二年二月二十六日升句容縣

會昌四年十一月升常州晉陵縣開元四年二月二十

六日升武進無錫縣大曆十二年二月二日升江陰縣

會昌四年十一月升蘇州吳縣開元四年二月二十六

日升長洲縣大曆十二年二月二十六日升嘉興縣大

曆六年二月升崑山縣會昌四年十一月升宣州宣城

縣天寶十載二月二十五日升南陵縣大曆五年三月

升杭州餘杭縣開元四年二月二十六日升錢塘縣會

昌四年十一月升越州會稽縣開元四年二月二十六日升諸暨剡縣並大曆十二年二月九日升婺州金華縣開元四年二月二十六日升東陽縣永康縣大曆十二年正月一日升湖州烏程縣大曆十二年二月二十一日升長城縣會昌四年十一月升衢州信安縣大曆十二年正月九日升台州臨海縣會昌四年十一月升鄞州江夏縣貞元十一年九月升洪州高安縣會昌四年十一月升潭州長沙縣同上年月升新升紫縣 越州蕭山縣大曆十二年正月升湖州安

吉縣會昌四年十二月升信州上饒縣杭州鹽官縣並同上年月升衢州龍邱縣大曆十二年正月十九日升婺州蘭溪縣同上年月升海鹽縣會昌四年十二月升宣州南陵溧陽當塗縣天寶十載二月二十五日升寧國縣會昌四年十二月升歙州歙縣池州秋浦縣俱同上年月升鄂州武昌永興等縣貞元二年九月升洪州建昌大曆十二年十二月二十四日升潭州長沙縣湘鄉湘潭衡陽等縣大曆四年二月二十四日升吉州廬陵縣會昌四年十二月升

新升上縣 鄂州唐年蒲圻等縣並元和六年九月升
 岳州巴陵縣同上年月升華容縣大歷六年五月升澧
 州石門縣元和六年九月升潭州益陽縣貞元十二年
 二月升衡州衡山耒陽縣大歷四年二月二十四日升
 洪州武寧新吳縣元和六年九月升辰州沅陵叙浦大
 鄉等縣大歷四年六月升江州彭澤縣元和六年九月
 升郴州平陽縣虔州信豐南康縣袁州萍鄉縣杭州新
 城縣撫州南豐縣已上俱同年月升睦州分水縣大歷
 六年六月升歙州婺源縣黟縣並元和六年九月升

新升中縣 洪州分寧縣貞元十五年二月改分寧為
 武寧縣

劍南道

新升都督府 遂州大歷二年二月升為中都督昌州
 大歷十三年六月升

新升緊州 梓州會昌四年五月升

新升望縣 益州成都蜀縣郫縣新繁等縣並開元四

年二月二十六日升蜀州晉原青城縣同上年月日升

唐興新津縣貞元十年十一月升彭州九龍道江縣開

元四年二月二十四日升唐昌縣貞元十年十二月升漢州雒縣開元四年二月二十六日升什邡縣貞元二年十二月升

新升緊縣 彭州濛陽縣漢州德陽綿竹縣眉州通義彭山縣嘉州龍遊縣邛州臨邛縣已上並貞元五年十二月升

新升上縣 嘉州夾江峨嵋縣邛州依政縣陵州籍縣並貞元十年十二月升閬州南部縣奉國縣永泰元年十月升綿州羅江縣元和六年九月升

嶺南道

新升都督府 峯州驩州並貞元七年四月二十日升新升上州 建州泉州元和六年五月升

新升望縣 福州閩縣貞元元年四月升廣州南海縣會昌四年十月升

新升緊縣 泉州南安縣貞元七年四月升黔州彭水縣貞元七年四月二十三日升容州晉寧縣同上年月日升福州福唐長樂縣連江侯官縣貞元二年四月升泉州晉江莆田縣建州建陽縣並元和六年六月升巫

唐會要 卷之四
州龍標縣大曆六年五月升

新升中縣 容州北流縣貞元七年四月升梧州蒼梧縣大曆九年七月升

州縣改置上

關內道

京兆府武德已來稱京城開元元年十二月三日稱西京至德二年十二月十五日改爲中京上元二年九月二十一日停中京之號肅宗元年建卯月一日改爲上都天授二年七月二十八日勅雍州依舊以萬年長安

乾封明堂咸陽鄠縣藍田等七縣隸焉又以武功爲稷州割奉天始平盩厔好畤等五縣隸焉以雲陽爲鼎州割三原涇陽醴泉等縣隸焉以零口置鴻州以慶山渭南兩縣十一鄉於鄠下置鴻門縣割慶山高陵櫟陽渭南等五縣隸焉以永安置宜州割同官富平美原等四縣隸焉令地官員外郎周允元充樹置使至久視元年八月二十四日廢鴻州二州至大足元年四月四日廢宜樓二州並隸雍州 萬年縣武德元年九月改隋大興爲萬年縣天寶七載八月十四日改爲咸寧縣至德

三載二月五日復爲萬年縣初總章元年析置明堂縣以鄧鄆爲縣令長安二年六月二日廢長安縣總章元年十一月二十二日析置乾封縣以王德真爲縣令分理京城內至長安三年六月二日廢昭應縣垂拱二年二月二日新豐縣東南三十里有廢山踴出二十八月改新豐爲慶山縣荊州人俞文俊上疏曰臣聞天氣不和而寒暑併人氣不和而疠贅生地氣不和而堆阜出今陛下以女處陽位反易剛柔故地氣隔塞而山變爲災陛下以爲慶山臣以爲非慶也臣愚以爲宜側

身修德以答天譴不然禍災至矣疏奏則天怒流文俊於嶺南神龍元年二月四日復爲新豐縣天寶三載十二月五日析新豐縣於會昌山令置會昌縣四載十月二十八日以會昌爲赤縣以薛融爲縣令七載十二月一日改會昌爲昭應縣仍廢新豐隸入昭應以薛伯連爲縣令奉先縣開元四年十月二十八日改同州蒲城縣爲奉先縣以奉橋陵隸京兆府元和十五年四月以美原縣龍原鄉櫟陽縣萬年鄉隸奉先以奉景陵長慶四年五月以富平縣豐水鄉華州下邽縣翟公鄉同

州澄城縣撫道鄉白水縣會賓鄉並隸奉先縣以奉景
陵天祐四年閏十二月二十七日却割隸同州 富平
縣元和元年六月以奉先縣神泉鄉櫟陽縣大澤鄉美
原縣義林鄉族義鄉並隸富平縣以奉豐陵 三原縣
會昌九年七月京兆府奏得三原縣申當縣仁化鄉開
成五年六月勅割送富平縣充奉章陵訖准承前流例
合於陵近縣界接近割還當縣以奉莊陵今請割高陵
縣青平鄉從之 奉天縣文明元年八月十五日以乾
陵置奉天縣隸京兆府 蓋屋縣天寶元年八月二十

四日改爲宜壽縣至德二年二月十五日改爲蓋屋縣
美原縣隋置土門縣貞觀十七年廢咸亨二年十二
月二十一日於故土門地置美原縣割隸京兆府 櫟
陽縣天祐三年十月割隸華州 同官縣貞觀十七年
六月十七日廢置宜州來屬 興平縣景龍二年二月
一日改始平縣爲金城縣至德二年十月改爲興平縣
雲陽縣武德元年分雲陽縣爲石門縣三年仍置東
泉州移雲陽於縣南十五里水衡城貞觀元年廢泉州
改石門縣爲雲陽八年併池陽入雲陽縣屬雍州天授

中置鼎州後廢 華原縣貞觀十七年六月十四日廢
宜州置來屬垂拱二年九月二十日改爲永安縣神龍
元年二月四日復爲華原縣 好時縣武德二年二月
五日置於隋莊陵城貞觀二十一年七月十四日勅岐
陽旣非要路好時又近醴泉二縣並廢依舊置上宜縣
其年十一月三日改上宜縣爲好時縣

鳳翔府 天興縣至德元載七月二十七日分雍縣置
雍縣至德二載八月二十一日改爲鳳翔縣寶應元
年十二月廢併入天興縣 扶風縣武德三年分岐山

縣於圍川城置四年隸入稷州貞觀元年廢稷州來屬
八年六月改爲扶風縣 岐陽縣貞觀七年割扶風岐
山并京兆上宜縣置焉二十一年廢永徽五年十二月
又置元和三年三月併入岐山扶風縣 陳倉縣至德
二載二月十八日改爲寶雞縣 號縣貞觀七年廢天
授二年七月二十八日割岐山縣置 普潤縣貞元十
年置十一年正月以縣隸隴右經畧使

行原州元和三年十二月臨涇縣改爲行原州遂命鎮
將郝泚爲刺史始泚爲刺史嘗以臨涇地宜蕃息蕃戎

唐會要卷之六
每入寇屯臨涇爲休養便地嘗白其帥願以城控之前帥不從其後段祐爲節度使泚復白祐祐多其策乃表請城之

同州 河四縣武德三年分韓城郃陽置屬西韓州州廢來屬乾元三年三月二十三日改爲夏陽縣 韓城縣天祐二年十二月改爲韓原縣

華州垂拱元年避武太后祖諱改太州 下邽縣垂拱元年十一月二十四日割同州下邽縣隸華州 潼津縣聖曆二年三月二十日割號州潼津縣隸入太州

華陰縣垂拱元年改名仙掌神龍三年四月十六日廢仙掌縣

邠州開元十三年二月二十二日以幽字與幽字相涉詔曰魚魯變文荆弁誤聽欲求辯惑必也正名改幽字爲邠 承壽縣神龍元年三月二十五日割屬雍州唐隆元年七月八日又屬幽州 三水縣元和十五年正月移縣於隴堡下舊城先是大曆中吐蕃嘗焚其縣故移之堡上人不便之及是從節度使郭釗奏也

坊州武德二年七月於鄜州南故馬坊置坊州

周天和七年元

皇帝為敷州刺史置馬坊於此高祖因以名州

宜君縣貞觀十七年六月十

七日廢宜州來屬尋廢二十年閏三月十四日又置永

徽二年十二月十四日又省龍朔三年八月二十五日

又置昇平縣天寶十二載十二月一日分宜君縣置

鄜州直羅縣武德三年分三川洛交置伏陸縣

天寶元年八月二十日改為甘泉縣

涇州鶉觚縣天寶元年八月二十四日改為靈臺縣

臨涇縣貞元十一年正月節度使劉昌請于臨涇縣

保定城置陰盤縣改潘原貞元十一年以彰信堡置

寧州 豐義縣武德四年分彭原縣置屬彭州州廢隸

寧州開元八年四月十七日割屬涇州尋復舊定平

縣元和三年隸寧州

勝州 河濱縣貞觀三年置 連谷縣貞觀八年置

豐州貞觀二年十二月二十三日分靈州置 九原縣

永徽四年置 永豐縣永徽元年正月置 豐安縣麟

德元年置

延州開元二年升為都督府 延水縣隋安人鎮武德

二年析延川為縣名安人貞觀二年州廢安人屬北基

州八年割屬延州二十三年五月改為延水縣取吐延水為名 延川縣貞觀五年置北基州至八年廢 罷

交縣貞觀十年於罷交鎮置縣天寶元年八月二十四日改為延昌縣 金城縣本因城縣武德二年改為金城

城縣天寶元年八月二十二日改為敷政縣

綏州 上縣天寶元年八月二十四日改為龍泉縣

夏州 朔方縣本隋嚴綠縣貞觀二年改為朔方縣

寧朔縣武德六年置南夏州貞觀二年廢州來屬

鹽州 五原縣貞觀二年與州同置 白池縣景龍三

年置

慶州 懷安縣開元十年十月八日置 方渠縣神龍

三年三月二十五日分馬嶺縣置 蟠交縣天寶元年

八月二十四日改合水縣 白馬縣同上勅改為延慶

縣

麟州開元十二年閏十二月二十九日置 麟州開元七年五月一日

九日廢天寶元年復置 鐵麟縣開元七年五月一日

於新秦縣置鐵麟縣開元十四年六月十三日州廢皆

省天寶元年復置

宥州 延恩縣元和九年二月勅天寶末年宥州寄治於經略軍寶應已後因循遂廢由是昆夷屢擾黨項靡依蕃部之人撫懷莫及朕方宏遠略思復舊規宜于經略軍置宥州仍爲上州于郭下置延恩縣爲上縣仍屬夏州元和十五年九月夏州節度使李佑請置宥州于長澤縣

原州

肅州神龍三年三月廢佗樓縣置

威州咸亨三年以靈州之鳴沙縣置吐谷渾部落號安樂州至德中沒吐蕃大中三年七月靈武節度使朱叔

明奏收復安樂州八月遂改爲威州

河南道

河南府 河南縣永昌元年改爲合官縣以薛充構爲縣令神龍元年正月却爲河南縣二年十一月五日又改爲合官縣以蘇頌爲縣令右補闕權若訥上疏曰臣聞詩人闡教深懷罔極之恩孔氏立言或崇無改之道今陛下置聖善報恩之閣義貫于終天存合官永昌之號敬深於如在伏見天地日月君臣等字皆先朝創制已久施行陛下纂承丕緒嗣守洪業母子相傳國家如

州於澠池至顯慶二年十二月九日廢穀州以福昌新安澠池永寧四縣并懷州之河陽濟源溫縣王屋鄭州汜水並隸洛州告成縣武德四年王世充降陽城縣令王雄以縣歸順乃置嵩州領陽城嵩陽翟康城四縣以雄爲刺史貞觀三年省嵩州以陽城屬洛州登封元年臘月九日改爲告成縣神龍元年二月五日改爲陽城縣二年十一月五日又改爲告成縣天祐二年十二月改爲陽邑興泰縣長安四年五月二十九日以興泰宮城置爲興泰縣神龍元年二月四日廢河陰

縣開元二十二年四月侍中裴耀卿奏汜水滎澤武陟三縣于河口輸塲置焉隸河南會昌三年九月勅置隸孟州仍改爲望縣潁陽縣貞觀七年廢咸亨四年閏五月一日分河南洛陽伊闕嵩陽等縣置武林縣開元十五年九月二日改爲潁陽縣武泰縣天授二年七月二十八日分滎陽置焉隸洛州尋廢後又改滎陽縣爲武泰縣神龍元年二月四日改爲滎陽屬鄭州伊陽縣先天元年十二月二十三日洛州長史李傑奉割陸渾置陽翟縣武德四年隸嵩州貞觀二年省州縣

改隸許州龍朔二年十二月十六日割隸洛州 福昌
縣隋義寧二年置宜陽郡領宜陽澠池永寧三縣武德
元年改熊州故宜陽縣爲福昌取隋福昌宮爲名領福
昌壽安永寧三縣貞觀元年省熊州以福昌永寧澠池
隸穀州六年又移穀州治于福昌以長水來隸顯慶二
年十二月十六日廢州以縣屬洛州 永寧縣隋義寧
二年置屬宜陽郡武德二年屬函州領永寧一縣八年
省州却屬熊州貞觀元年改爲穀州 長水縣武德元
年屬魏州貞觀八年改屬穀州顯慶二年州廢來屬

濟源縣武德二年三月王世充將丁伯德以縣歸順遂
置西濟州領濟源溴陽蒸川召原四縣以伯德爲刺史
四年省州以溴源蒸川召源以濟源隸懷州顯慶二年
十二月十三日屬洛州 溫縣武德四年令周仲隱以
縣來歸乃于縣置平州以仲隱爲刺史溫縣爲李城縣
其年八月省州縣復名溫屬孟州 王屋縣武德元年
改爲邵伯隸邵州貞觀元年省州縣屬懷州顯慶二年
十二月十三日改名隸洛州光化三年八月割隸河陽
河清縣武德二年置名大基屬懷州四年割屬孟州

十四年移治硤石塢改名芮城縣武德二年置芮州
 貞觀元年廢縣來屬安邑縣貞觀十七年六月十七
 日廢虜州及桐鄉縣以安邑屬蒲州至德二年八月二
 十三日為虜州縣乾元三年正月二十一日割隸陝州
 復為安邑縣夏縣乾元三年正月二十一日自絳州
 來屬靈寶縣本隋桃林縣天寶元年二月二十一日
 掘得寶符改平陸縣本隋河北縣天寶元年二月二
 十一日改為平陸縣先是陝郡太守李齊物疏鑿三門
 得古鐔甚大其上有平陸二字後因改為平陸

鄭州武德四年改為管州貞觀元年廢七年復為鄭州
 圃田縣武德元年改為中牟縣貞觀元年屬汴州龍
 朔二年十二月十六日來屬

豫州寶應元年十二月改為蔡州新息縣武德四年
 置息州貞觀元年廢吳房縣貞觀元年置八年廢元
 和十二年四月改名遂平仍移于文城柵南新城內置
 便為上縣權隸唐州汝南縣貞元七年正月二十三
 日于郭下置元和十三年正月汝南縣宜却停省西
 平縣貞觀元年廢天授二年十一月一日又置襄信

縣天祐三年十二月改爲苞字縣

汝州武德初從隋舊制爲伊州貞觀八年以西域置伊州遂改爲汝州光化三年八月割去隸洛京 梁縣隋爲承休縣貞觀元年改爲梁縣 魯山縣王世充置魯州武德四年正月二日廢入伊州其年復置魯州貞觀元年三月又廢入伊州 龍興縣證聖元年四月一日置武興縣神龍元年十月十九日改爲龍興縣 襄城縣隋縣武德元年于此置汝州貞觀元年州廢以縣屬許州天寶七載正月二十四日自許州來屬 臨汝縣

先天元年十二月二十日置

亳州武德四年改爲譙州貞觀元年改爲亳州 臨渙縣貞觀十七年六月十七日廢譙州以縣來屬元和九年五月勅亳州臨渙縣宜割屬宿州 永城縣貞觀十七年六月十七日廢譙州以縣來屬 谷陽縣乾封元年改爲真源載初元年改爲仙源神龍元年二月二十八日復改爲真源縣 鄴縣開元二十六年三月二十四日復汴州南垣陽驛置 山桑縣貞觀十七年六月十七日廢譙州來屬天寶元年八月二十四日改爲蒙

具如後齊州都九縣內三縣請併省豐齊縣與本州長
清縣相近今請廢豐齊縣併入長清縣全節縣與歷城
縣相近請廢全節縣併入歷城縣亭山縣與章邱相近
今請廢亭山併入章邱豐齊等四縣權停廢待已後戶
口滋繁物力殷贍卽請仍舊從之

行齊州元和十三年冬十月齊州刺史高士榮奏蒙恩
受任其州猶在賊中須置行州及倚郭歷城縣行卽從
之 平陵縣貞觀十七年四月平陵人不從齊王祐反
改爲全節縣 禹城縣隋祝阿縣天寶元年八月二十

四日改爲禹城縣以縣西有禹息故城也 山桂縣武

德元年置天寶元年七月二十四日改爲豐齊縣 章

邱縣武德二年置貞觀元年廢 歸化縣元和十三年

析德州之安德置太和二年十二月來屬本州四年奏

廢入臨邑

泗州本治宿預開元二十五年九月十日移就臨淮縣

臨淮縣長安四年二月分徐城縣置

兗州 金鄉縣武德四年於縣置金州五年改戴州貞

觀十七年六月十七日廢戴州來屬元和十四年正月

唐會要卷之二十一
三
以兗州金鄉縣權隸屬徐州 博城縣神龍二年十月
五日改爲乾封縣 方輿縣寶應元年六月十一日改
爲魚臺縣元和四年八月淄青節度使李師道請移魚
臺縣置于黃臺市十四年正月權隸徐州 萊蕪縣貞
觀元年廢入博城縣長安四年正月十日又置貞元四
年十一月二十三日割屬兗州元和十七年六月兗海
節度使曹華奏兗州萊蕪縣在當道邊界去縣山路三
百餘里人戶絕少年稅絹一千官吏名數亦與大縣不
殊竊以此縣最小虛置無取請准淄齊等州章邱臨濟

縣例特從併省案圖經萊蕪貞觀三年廢入博城縣卽
今當州乾封縣是也相去接近伏請依前併入乾封縣
從之太和元年九月兗州奏復置道縣從之

密州 莒縣貞觀八年廢莒州來屬 安邱縣乾元二
年九月移治故昌安城改爲輔唐縣

淄州武德元年置六年廢天寶元年復置

沂州 沂水縣武德五年置莒州貞觀八年州廢來屬

丞縣武德四年於檀邱置縣貞觀元年廢之 新泰

縣武德五年屬莒州貞觀八年來屬

唐書卷之...
陳州武德元年討平房憲伯置南頓縣武德六年省入項城縣證聖元年改爲光武縣景雲元年復爲南頓縣 項城縣隋置沈州貞觀元年州廢來屬 西華縣武德元年改爲箕城縣貞觀元年又置名武成神龍元年二月四日復改箕城縣景龍元年又改爲西華 汴州武德四年置 開封縣武德四年自鄭州來屬貞觀元年廢延和元年五月十五日分浚儀縣又置 尉氏縣武德四年置洧州貞觀元年州廢來屬 雍邱縣武德四年置杞州貞觀元年州廢來屬

唐州武德四年改顯州貞觀九年罷顯州爲唐州 方城縣武德初置北澧州貞觀元年改爲魯州九年廢以方城屬唐州

鄆州 盧縣隋舊武德四年改濟州天寶十三載六月一日州廢所領五縣改屬鄆 平陸縣天寶元年八月二十四日改爲中都縣貞元四年十一月二十四日割鄆縣 鄆城縣舊是鄆下縣貞觀八年州移于須昌縣天祐二年十二月改爲萬安縣 鉅野縣貞觀十七年六月十七日廢戴州來屬 宿城縣景雲三年十二月

十八日置乾元元年十月改爲東平縣移就郭下仍是
望太和四年五月改爲天平縣六年七月併入須昌縣
平陰縣太和六年七月併入東阿盧縣開成二年鄆
州節度使王源中奏當道先廢天平平陽兩縣並在東
境東西一百一十三里南北一百八十里無縣邑以治
居民兼制賊盜請復置平陰縣兼下吏部注縣令主簿
各一人詔從之

青州武德四年置 壽光縣初隸萊州武德八年州廢
來屬 千乘縣武德二年改爲萊州至八年廢

徐州 沛縣武德五年置 下邳縣武德四年置邳州

貞觀元年州廢來屬 虹縣本名夏邱屬仁州武德四

年改名虹縣貞觀八年州廢來屬 符離縣武德四年

置 蘄縣貞觀十七年六月十七日廢譙州來屬

宿州元和四年正月以徐州符離蘄泗州虹三縣置遂

爲上州治符離仍隸徐濠泗等州觀察使長慶元年三

月徐州觀察使崔羣奏頃以蔡孽未平遂割前件三縣

及徐州將士一千四百人權置宿州阨其奔軼事關備

禦非務便人今寰宇無虞封圻罷警權創支郡理合併

除其宿州伏請却廢三縣各還本州至太和七年一月
勅宜准元和四年正月割徐州符離蘄泗州虹縣依前
置宿州隸屬徐泗濠等州觀察使其州置于埇橋在徐
州南界汴水上舟車之要其舊割四縣仍舊來屬已下
官便委吏部注擬

濮州武德四年置

宋州 柘城縣隋舊貞觀七年廢永淳元年十月二十

四日析穀熟寧陵又置 穀熟縣武德二年置南穀州

四年廢 單父縣武德五年置戴州貞觀十七年州廢

來屬 楚邱縣貞觀七年六月十七日廢戴州來屬

碭山縣光化二年正月朱全忠表建為輝州移治所于

單父縣

許州 鄆城縣元和十二年二月淮西賊中百姓窮困

相率歸順其數甚多宜于許汝行營側近置行鄆城縣

委韓宏詳議揀擇穩便處置其年十一月以鄆城縣置

澠州以上蔡西平遂平三縣隸焉是年十二月勅澠州

宜屬許州長慶元年廢澠州復為鄆城縣依前隸屬許

州其先割屬澠州上蔡西平等三縣依隸屬蔡州

唐會要 卷十
舞陽縣本北舞開元四年置更名元和十三年正月
陳許觀察使李光顏奏許州舞陽縣爲逆賊吳元濟所
毀令請移縣權請置于吳城鎮從之

濠州元和三年六月改濠州字爲濠失印故也

河東道

太原府北都 文水縣天授元年十月十四日改爲武
興縣品秩同赤縣以史兼恕爲縣令神龍元年二月十
五日復舊 石艾縣天寶元年八月二十四日改爲廣
陽縣 孟縣武德三年置受州貞觀八年省州來屬

陽曲縣武德三年析爲邠陽七年又改爲陽曲縣 太
谷縣武德四年置太州六年又改之

河中府中都元和二年三月改蒲州爲河中府兩縣爲
赤縣餘爲畿縣官吏所置並隸京兆府河南府 河西
縣乾元三年三月二十日割同州朝邑置河西縣焉仍
改同州河西縣爲夏陽縣 桑泉縣天寶十二載十二
月一日勅改桑泉縣爲歸晉縣 汾陰縣開元十一年
一月十六日改爲寶鼎縣

潞州開元十七年七月二十五日置大都督府 襄垣

縣隋韓州貞觀十七年州廢以縣來屬 涉縣貞觀十七年六月十七日以縣來屬 銅鞮縣貞觀十七年六月十七日廢韓州以縣來屬 潞城縣天祐二年十一月改爲潞子縣 黎城縣同上年月改爲黎亭縣 武鄉縣武德初置屬韓州貞觀元年州廢來屬 壺關縣武德四年置

號州 宏農縣顯慶二年避孝敬諱改爲恒農縣開元十六年二月二十八日復改宏農縣 湖城縣隋義寧元年置乾元三年二月一日改爲天平縣大曆四年七月

月四日却爲湖城縣 闕鄉縣貞觀元年移鼎州於屯縣八年州移來屬

絳州 翼城縣義寧元年改爲澮州武德六年廢州來屬天祐二年十二月改爲澮川縣 萬泉縣武德三年

置爲太州貞觀十七年六月十七日州廢來屬 垣縣

貞元三年七月以絳州垣縣隸陝州元和三年二月復

隸絳州 夏縣貞觀十七年六月太州廢來屬乾元二

年正月二十一日割屬陝州 龍門縣武德元年置太

州貞觀十七年州廢來屬

汾州武德元年改爲浩州三年改爲汾州 介休縣武

德元年置介州貞觀元年却廢 西河縣本隰城上元

元年改名

晉州太和元年十一月二十四日勅晉州割隸河東觀

察使收管改屬河中府 汾西縣貞觀十七年六月十

七日廢呂州而霍邑趙城來屬 神山縣武德二年九

月置浮山三年九月十九日以吉善行於羊角山下見

老君改焉

澤州會昌四年九月中書門下奏河陽近雖置制土宇

猶徧澤州全有太行之險固實爲東洛之藩垣將務遠

圖所宜從便望割屬河陽 晉城縣武德三年置建州

并置晉城縣六年州廢來屬天祐二年十一月改爲丹

川高都縣 濩澤縣天寶元年八月二十四日改爲陽

城縣

隰州 大寧縣武德二年置中州貞觀元年州廢來屬

蒲縣武德二年置貞觀元年廢

慈州武德元年爲汾州五年改南汾州八年改爲慈州

太和元年十一月二十日勅慈州宜割隸屬河中府觀

察使收管 文城縣天祐二年十二月改為屈邑縣

代州 唐林縣證聖元年於忻代二州界置武延縣唐

隆元年改名

蔚州 安邊縣開元十二年七月置在橫野軍

石州 臨泉縣本名太和縣武德三年置北和州貞觀

二年廢改為臨泉縣是也

嵐州 宜芳縣隋嵐城縣武德四年改焉 合河縣隋

臨泉縣武德七年改臨津縣貞觀元年改焉 嵐谷縣

長安三年置景龍二年廢開元十二年又復置之

儀州本遼州隋末廢武德三年又置遼州八年改為箕

州先天元年十二月二十三日又改為儀州避元宗嫌

名也

武清縣 三河縣武德初改為潞縣開元四年三月改
為三河縣 會昌縣如意元年置武崇縣景雲三年改
為會昌縣

瀛州 高陽縣武德四年置蒲州貞觀元年州廢來屬

博野縣武德二年置蠡州貞觀元年州廢來屬

莫州景雲二年六月十四日分瀛州置鄭州開元十三

年十二月初二日以鄭鄭文相似始單用莫字 唐興

縣如意元年置武昌縣神龍元年二月四日改為唐興

縣 長豐縣開元十年置

薊州開元十一年閏六月一日割漁陽玉田三河置

媯州武德八年置北燕州貞觀八年改為媯州長安二

年移就清夷軍

涿州 新城縣太和六年十一月置於古督亢之地

恒州興元六年六月一日升為大都督府元和十五年

二月改恒州為鎮州恒陽縣為山陽縣恒岳為鎮岳避

穆宗諱也 井陘縣貞觀十七年六月十七日廢井州

與鹿泉房山屬此 行唐縣長壽二年改為章武縣神

龍元年二月四日改為行唐縣 藁城縣天祐二年九

月改爲稟平縣 藥城縣同上年月改爲藥氏縣

冀州龍朔二年十二月十六日改爲魏州咸亨三年九

月二十五日復爲冀州 信都縣同上年月改爲堯都

縣 阜城縣同上年月改爲漢阜縣 臨城縣同上年

月改爲房子縣 瘦陶縣天寶元年八月二十四日改

爲寧晉縣

趙州 大陸縣武德四年改爲象城縣天寶元年改爲

昭慶縣

深州貞觀十七年六月十七日廢先天元年四月初十

日又復置

泚州大歷三年八月割恒州行唐縣置以恒州之靈壽

定州之恒陽二縣屬焉尋廢

博州 清平縣武德四年置 博平縣貞觀十七年廢

入聊城天授二年更置天祐三年四月割隸鄆州 聊

城縣 武陽縣 武水縣 高唐縣天祐三年四月並

割隸鄆州

磁州 昭義縣開成四年八月移於固鎮驛

貝州 宗城縣武德四年廢宗州來屬

宗州置在徑城縣天祐三年八月割隸魏州 鄆縣天

寶元年八月二十四日改爲夏津縣 永濟縣大曆七

年正月以張橋行市爲縣天祐三年八月割隸魏州

易州 五迴縣開元二十三年三月十六日置 道縣

天寶元年八月二十四日改爲容城縣 永樂縣同年

月改爲滿城縣

滄州 胡蘇縣天寶元年八月二十四日改爲臨津縣

清池縣太和五年十月本道奏移於南羅縣內 南

皮縣武德元年置貞觀十七年廢景州來屬

魏州龍朔二年十二月二十六日改爲冀州仍置大都

督府咸亨三年九月二十五日仍舊 元城縣貞觀十

七年六月十七日廢聖歷二年三月二十一日又置開

元十三年十二月二日移於郭下也 昌樂縣武德五

年八月置 朝城縣貞觀十七年廢永昌元年又置改

名聖武開元七年又改爲朝城縣 莘縣貞觀元年廢

莘州以縣來屬 頓邱縣貞觀元年廢澶州來屬大曆

七年又置澶州

澶州 觀城縣大曆七年正月析魏州頓邱縣之觀城

店置觀城縣 清豐縣大曆七年以清豐店置清豐縣
并割魏州臨黃縣並隸

相州 湯陰縣武德四年置 林慮縣武德元年置五
年廢貞觀十七年六月又置 臨河縣 內黃縣 洹

水縣並天祐三年八月割隸鄆州

棣州武德四年七月十六日置貞觀六年十二月九日

廢十七年六月十七日復置 陽信縣會昌元年十二

月淄青觀察使韋平奏棣州申請移陽信縣并鎮於縣

南二十里八角寺南二里置城從之

邢州 栢仁縣天寶元年八月十四日改爲堯山縣

青山縣開成四年八月廢

洛州 曲周縣武德四年析洛州置 清漳縣會昌元

年三月并省分入肥鄉平恩曲周等三縣

衛州 黎陽縣貞觀十七年六月十七日廢黎州來屬

同日廢清淇縣至長安四年十二月二十三日於淇門

置淇門縣

景州長慶二年正月勅滄州弓高縣宜依舊爲景州仍

隸滄州觀察使至太和四年十二月滄州觀察使殷侗

唐會要 卷三十一 五
奏廢爲景平縣從之

德州 歸化縣開元十三年橫海軍節度使鄭權奏當道管德州安德縣渡黃河南與齊州臨邑縣鄰接有灌家口草市一所頃者成德軍于市北十里築城名福城割管內安德平原平昌三縣五都置都知管勾當臣今請於此置前件城緣隔黃河與齊州臨邑縣對岸又居安德平原平昌三縣界疆境闊遠易動難安伏請於此置縣爲上縣請以歸化爲名從之 舊縣 安陵縣貞觀十七年廢觀州來屬

安州 安平縣貞觀十七年六月十七日廢深州來屬
定州 北平縣改爲徇忠縣 義豐縣改爲立節縣二縣並神功元年十月改至神龍元年二月五日各復本名 唐昌縣天寶元年八月二十四日改爲陘邑縣毋恤縣萬歲通天元年改爲無極縣 安喜縣 望都縣二縣並武德四年置

山南道

荆州本大都督府上元元年九月置南都改爲江陵府
荆門縣貞元二十一年六月置 長寧縣上元元年

唐會要 卷三十一
七月二十三日析枝江縣置爲赤縣二年六月十四日廢枝江縣隸入長寧縣大曆六年十月七日廢長寧爲枝江縣

襄州 率道縣天寶七載三月二十七日改爲宜城縣

臨沮縣武德二年置重州貞觀元年廢州來屬開元

十八年五月二十八日改爲南漳縣 樂鄉縣本都州

貞觀元年州廢來屬 鄧城縣貞元二十一年五月以

襄州爲襄府改臨漢縣于古城爲鄧城縣

隨州 唐城縣開元二十五年六月十五日以客戶編

成十二鄉置唐城縣屬焉

房州武德元年改爲遷州又于竹山置房州貞觀八年

廢州人遷州後卻置

金州貞元元年五月隸山南東道天祐元年九月二十

日以金州爲昭戎軍管均房二州至三年四月卻隸山

南道 石泉縣聖曆元年改爲武安縣神龍元年改爲

石泉縣後廢貞元元年十二月刺史姜公輔請復置從

之 黃土縣天寶元年八月二十四日改爲涇陽縣大

曆六年八月併入涇陽 涇陽縣武德元年置涇州七

年州廢來屬 平利縣廢入西城縣

唐州本顯州貞觀元年改為唐州天祐三年四月刺史

孫審符奏移理所于泌陽縣焉 平氏縣武德三年置

五年州廢縣割入湖州貞元元年廢湖州來屬 湖陽

縣武德三年置湖州貞觀元年又廢 上馬縣武德元

年置貞觀元年廢開元十三年七月十七日又置天寶

元年八月二十四日又改為泌陽

鄧州 南陽縣聖歷元年五月十一日改為武臺縣神

龍元年復為南陽縣 向城縣武德三年隸滑州八年

廢屬北澧州貞觀六年州廢來屬聖歷元年五月一日

改為武清縣神龍元年二月五日復為向城縣 新城

縣天寶元年八月二十四日復改臨湍縣 菊潭縣開

元二十四年九月一日置 浙陽縣萬歲通天元年七

月一日置 內鄉縣舊浙陽武德二年置浙州貞觀八

年州廢來屬

歸州武德二年置 興山縣貞觀十七年以大清鎮置

縣

夔州隋信州武德二年二月改為夔州

均州貞觀八年復以浙陽置貞元元年五月以均州隸

山南東道觀察使天祐二年九月以金州為昭戎軍割

隸焉至三年四月又却割屬山南東道 豐利縣武德

元年廢上洛郡隸上州貞觀八年州廢來屬

商州 上津縣武德元年置上州八年州廢為上津縣

來屬 安業縣萬歲通天元年置

渝州 萬壽縣武德三年置萬春縣五年改為萬壽縣

南平縣貞觀四年置州八年改霸州十二年廢來

屬

集州 通平縣武德二年移靜州於此貞觀十年六月

七日州廢來屬

郢州貞觀元年廢十七年置 富水縣武德四年屬溫

州貞觀十七年州廢來屬

璧州武德八年置 諾水縣武德八年分巴州置 太

平縣開元二十三年六月三日置天寶元年八月二十

四日改為巴東縣

渠州 始安縣天寶元年八月改為渠江縣

忠州武德元年改為臨州貞觀八年復改為忠州 清

水縣武德二年置天寶元年八月二十四日改爲桂溪縣

洋州真符縣開元十八年八月二十五日置華陽縣

天寶八載閏六月四日改爲真符縣仍隸京兆府十一

載五月十一日却隸洋州

萬州武德二年置南浦州貞觀八年改爲萬州

涪州武德元年以渝州之涪陵鎮置州元和三年七月

復以涪州隸黔中道涪州案疆理以黔管接近頃年割

附荊州至是復舊賓化縣貞觀十一年置

硤州宜都縣武德二年置江州貞觀八年州廢來屬

利州義清縣天寶元年八月二十四日改爲允山縣

蓬州安固縣天寶元年八月二十四日改爲良山縣

宕渠縣寶曆元年八月以宕渠縣合入蓬山縣

合州巴水縣開元二十三年十月二十六日置銅

梁縣長安三年置

興州鳴水縣長慶元年八月廢

通州巴渠新寧等縣太和三年興元府奏通州元管

九縣寶曆二年停廢伏緣本府租稅最重開州獨稱殷

羨請割巴渠州見管三縣內攤配從之

興元府興元元年六月敕梁州昇爲興元府官員資叙一切同京兆河南府寶曆元年九月山南西道節度使裴度奏興元府廢金牛縣爲鄉三洋州廢洋源縣爲鄉五閬州廢岐平縣爲鄉四利州廢景谷縣爲鄉五通州廢三岡縣爲鄉四廢石鼓縣爲鄉五巴州廢奇章縣爲鄉四廢盤道縣爲鄉五蓬州廢郎池縣爲鄉六廢良山縣鄉爲六集州廢通平縣爲鄉十璧州廢廣納縣爲鄉六渠州廢大竹縣爲鄉三廢潏水縣爲鄉三鳳州廢黃花縣爲鄉二開州廢萬歲縣爲鄉六準今年二月勅廢金牛等十六縣爲鄉令並隨便近割隸屬諸縣訖

隴右道

涼州 神烏縣證聖元年改爲武威縣神龍元年二月復爲神烏縣 番禾縣天寶三載三月初六日改爲天寶縣 嘉麟縣神龍二年三月二十五日置景龍元年廢先天二年復置

豐州武德二年置

芬州武德元年移于常芳城內貞觀三年移于芳州神

唐會要 卷三十一
龍元年廢芬州爲常芬縣隸疊州

伊州 納職縣開元十五年二月九日置

沙州武德五年改隋瓜州爲西沙州貞觀七年去西字爲沙州天寶末陷西戎大中五年十月刺史張義潮遣兄義潭將天寶隴西道圖經戶籍來獻舉州歸順至十一月除義潮檢校吏部尙書兼金吾大將軍充歸義節度河沙甘肅伊西等十一州管內觀察使仍許于京中置邸舍

鄯州 鄯城縣儀鳳二年置

河州 安昌縣天寶元年八月二十日改爲鳳林縣

廓州 化隆縣先天元年改爲廣威縣

蘭州 金城縣天寶元年八月二十四日改爲五泉縣

洮州開元二十七年四月十六日廢臨州爲洮州

秦州舊陷吐蕃大中三年八月收復四年二月割隸鳳翔

武州大曆二年五月十一日置尋陷吐蕃至大中三年

七月邠州節度使張君緒奏收復蕭關復置武州 清

水縣大中三年八月鳳翔節度使李玘收復仍隸武州

淮南道

揚州武德七年改爲邗州九年改爲揚州大都督府
海陵縣武德三年置吳州七年州廢來屬先天二年三
月復置 江陽縣貞觀十八年五月十八日分江都縣
置六合縣武德七年置方州貞觀元年州廢來屬
揚子縣開耀元年正月十二日廢揚子鎮爲縣來屬
楚州武德初海州人臧君相據此四年歸附立東楚州
八年乃改爲楚州 淮陰縣武德七年廢乾封三年又
置盱眙縣文明元年十月改爲建中縣尋復本名焉

光州元和十三年五月割隸淮南 殷城縣隋義州貞
觀元年州廢來屬 安樂縣天寶元年八月二十四日
改爲仙居縣

壽州 霍山縣武德四年廢鎮爲霍州貞觀元年州廢
來屬 盛唐縣神功元年九月二十日改武昌縣景雲
元年七月二十日改霍山縣開元二十七年改名
沔州建中元年四月析入黃州四年三月復置寶曆三
年武昌節度使牛僧孺奏沔州鄂州隔江相去纔餘一
里其州請併省漢陽儀州兩縣並割隸鄂州從之

唐會要 卷三十一
安州 應城孝昌二縣元和三年五月并入雲夢縣後
又置吉陽縣同上年月并入應山縣後又置

黃州 麻城縣元和三年三月并入黃岡縣後又置
申州 太和十三年五月割隸鄂州後却隸淮南道

滁州 永陽縣景龍三年置

和州 含山縣武德八年廢長安四年又置爲武壽縣
神龍元年二月復爲含山縣

舒州 宿松縣武德四年置嚴州七年州廢來屬
廬州 襄安縣武德二年改爲巢縣

蘄州 蘭溪縣武德四年置天寶元年八月二十四日
改爲蘄水縣 永寧縣天寶元年八月二十四日改爲
廣濟縣

江南道

潤州 金壇縣垂拱四年七月十八日置 上元縣武
德七年置蔣州金陵縣八年又廢蔣州九年移于白下
縣屬潤州貞觀七年改爲江寧縣至德二載正月十六
日置江寧郡乾元元年改爲昇州寶應元年四月十五
日廢州上元二年二月六日改爲上元縣 曲阿縣武

德二年六月置雲州五年四月改爲簡州以崔順爲刺史八年四月州廢屬潤州天寶元年八月二十四日改爲丹陽縣

常州 武進縣武德三年置貞觀元年廢垂拱二年三月三日又置

蘇州 長洲縣萬歲通天元年七月四日分吳縣置

嘉興縣武德七年置貞觀元年廢景雲二年又置先天二年又廢開元五年七月又置 華亭縣天寶十載置

海鹽縣貞觀元年廢景雲二年置先天二年廢開元

五年七月又置

湖州開元七年置仍於烏程縣 臨溪縣天授二年置

武原縣景雲二年改臨溪縣天寶元年改爲德清縣

安吉縣武德七年廢麟德元年八月五日又置

杭州武德六年六月置 於潛縣武德七年六月置潛州至其年八月以水路不通州廢來屬 新城縣永淳

元年五月二日分富陽縣置 臨安縣垂拱四年置

紫溪縣聖歷元年正月三十日改爲武隆縣神龍元年

三月改爲唐山縣大歷三年八月二十三日廢

宣州 太平縣天寶十一載三月九日析涇縣置之

涇縣武德三年置南徐州其年改猷州八年州廢來屬

溧陽縣乾元元年六月十六日割屬昇州二年六月

十三日割屬宣州其年十一月十六日又屬昇州上元

元年七月十三日隸宣州十二月七日又屬昇州寶應

元年四月五日昇州廢屬焉 旌德縣寶應二年二月

析太平縣置 寧國縣隋置武德六年廢天寶三載復

置

婺州 烏傷縣武德七年改爲義烏縣 武義縣天授

二年置 東陽縣垂拱二年二月三日分義康縣置

蘭溪縣咸亨五年八月十五日割金華縣置 永康縣

武德八年置

衢州武德四年割婺州置八年廢垂拱二年三月十三

日復置 須江縣武德四年八月分信安置八年廢永

昌元年又置 玉山縣證聖二年置龍邱縣貞觀八年

置婺州垂拱二年廢 盈川縣如意元年分龍邱縣置

元和七年正月廢入龍邱信安二縣 常山縣咸亨五

年置

台州 象山縣神龍二年六月六日置廣德二年十二月九日割屬明州 始豐縣貞觀八年置上元二年二月六日改爲唐興縣 寧海縣永昌二年二月置 永寧縣上元二年四月一日析臨海縣置天寶元年八月二十四日改爲黃岩縣

明州開元二十六年七月十三日析越州鄞縣置以秦昌舜爲刺史仍置奉化慈谿翁山等縣慈谿以房瑄爲縣令翁山以王叔通爲縣令廣德元年三月四日因袁晁賊廢長慶元年三月浙東觀察使薛戎上言明州北

臨鄞江城池卑隘今請移明州于鄞縣置其舊城近南高處置縣從之

越州 會稽縣武德四年置貞觀元年廢 山陰縣垂拱二年三月十三日分會稽置大厯二年十二月七日權廢七年十二月二十五日刺史陳少遊又奏置元和七年五月隸入會稽蕭山兩縣十年二月復置之 剡縣武德四年置嵯州八年廢依舊爲縣 永興縣儀鳳二年割會稽置天寶元年八月二十四日改爲蕭山縣 餘姚縣武德四年置姚州七年五月州廢來屬

饒州 新昌縣武德五年析鄱陽置後廢開元四年又置天寶元年八月十四日改爲浮梁縣

福州隋泉州武德八年改爲豐州都督府貞觀元年廢爲泉州久視元年置武榮州景雲二年改爲閩州開元十三年復改爲福州 侯官縣長安二年析閩縣置元和三年三月并侯官長樂入閩縣福唐兩縣并將樂縣入建安邵武兩縣觀察使陸初准例首之於舊縣各直場官一刻木爲印徵其租稅居人不便至五年四月又置 萬安縣聖歷二年置天寶元年八月二十四日改

爲福唐縣 温麻縣長安四年置天寶元年八月二十四日改爲長溪縣

泉州景雲二年分武榮州置 南安縣武德五年置豐州貞觀元年州廢來屬 莆田縣武德五年三月置

清源縣天寶元年八月二十四日改爲仙遊縣

汀州大歷十四年正月二十六日移于長汀縣白石鄉黃連縣天寶元年改爲寧化縣

漳州垂拱二年九月置 漳浦縣 雜羅縣改爲龍岩

縣並天寶元年八月二十四日勅置 懷恩縣垂拱二

年九月置

潮州 潮陽縣永徽四年廢先天二年置

建州武德四年置 浦城縣武德四年爲興吳縣天授二年改爲武寧縣神龍元年改爲唐興縣天寶元年八月改爲浦城縣

邵州武德六年置梁州貞觀十年改爲邵州 邵陽縣

武德四年置建州貞觀元年改爲縣 武岡縣隋爲武攸武德四年改爲武岡

郴州 義章縣武德四年廢八年又依舊置 南平縣

武德七年改爲臨武縣咸亨二年又析置南平縣天寶元年八月二十四日改爲藍山縣 高亭縣長壽二年

置 安陵縣開元十年置 扈陽縣天寶元年八月二十四日改爲義昌縣

潭州 瀏陽縣景龍二年置 湘潭縣天寶八載八月三十日移于路口置

岳州 昌江縣神龍三年置 華容縣垂拱三年改爲

容城縣神龍元年二月復爲華容縣

衡州 衡陽縣武德初蕭銑改爲臨蒸縣因茲不改至

開元二十年復改爲衡陽縣 茶陵縣武德七年置貞
觀七年省聖歷元年復置

吉州 安福縣武德五年置潁州後改爲福縣十年州
廢 永新縣顯慶四年置

虔州 南安縣永淳元年析南康置天寶元年八月二
十四日改爲信豐縣 大庾縣神龍元年置 安遠縣
貞元四年八月四日置

道州貞觀元年初置南營州至八年改爲道州十七年
六月十七日并入永州上元二年十月十八日又置

唐興縣蕭銑置梁興貞觀八年改爲唐興縣天寶元年
八月二十四日復爲延唐縣 江華縣文明元年改爲
雲谿縣神龍元年二月復舊焉 宏道縣天寶元年十
月二十五日置 大歷縣大歷二年七月二十六日置
括州括蒼縣大歷十四年五月改括州爲處州括蒼縣
爲麗水縣

洪州 分寧縣貞元十六年二月置 豐城縣天祐二
年十二月改爲吳臯縣

撫州 南豐縣開元八年三月置

信州 貴溪縣永泰元年十月分弋陽縣置 永豐縣

元和七年正月廢入上饒縣

歙州 歸德縣大歷四年二月廢入休寧縣 北野縣

大歷四年二月廢入歙縣 婺源縣開元二十八年正

月十日置

睦州 清溪縣舊名上字與憲宗廟諱同永貞元年十

二月改清溪縣

池州永泰元年十月分宣州饒州歙州戶口於青陽秋

浦縣置以秋浦青陽至德并析置石埭等四縣隸之

温州土元二年四月析括州永嘉安固二縣置 樂安

縣 永寧縣上元二年四月析臨海縣置

劍南道

成都府 蜀縣貞觀十七年六月十七日分成都縣置

犀浦縣垂拱二年三月二日分成都縣置 廣都縣

龍朔三年八月十六日分雙流縣置 東陽縣久視元

年十二月三日置天寶元年八月二十四日改爲靈池

縣 溫江縣隋萬春縣貞觀元年改爲溫江縣

漢州垂拱二年三月三日分益州雒縣置 金堂縣咸

亨二年三月置

彭州垂拱三年三月分益州九隴縣置 九隴縣武德

三年置濠州貞觀元年廢 導江縣隋汶山縣武德元

年改爲龍盤縣隸濠州尋改爲灌寧縣二年改爲導江

縣 唐昌縣儀鳳元年置

蜀州垂拱二年三月分益州晉元縣置 唐安縣義寧

二年置唐隆縣天后改爲武隆縣神龍元年二月復爲

唐隆縣先天元年改爲唐安縣置

綿州 興聖縣開耀二年正月十八日割巴西縣

昌明縣先天元年置 涪城縣大歷十二年五月隸梓

州

姚州長安二年置尋廢入雋州垂拱元年又置并長明

縣天寶元年八月二十四日改爲南瀘縣

黎州長安二年置神龍三年廢開元四年七月二十二

日置

果州武德四年置

邛州 大邑縣咸亨四年析晉原縣置

雅州 百丈縣貞觀八年置 飛越縣儀鳳四年置

眉州 崇山縣先天元年改爲彭山縣

嵩州先廢大歷四年正月割邛州蒲江臨溪兩縣復置之太和六年五月西川奏移于登臺城 可縣天寶元年八月二十四日改爲西瀘縣 會川縣上元二年徙邛都置

梓州元和元年十月以平劉闢乃割西川所管資簡陵榮昌瀘等六州隸東川至四年正月以東川所部跨制太遠武元衡論奏復隸西川榮州義縣瀘州合江縣元和十三年五月東川節度使李逢吉請各移于舊縣界

址以便水陸貿遷從之

維州恭州武德七年正月開白狗等羌置之天寶亂沒入吐蕃大中三年九月西川節度使杜棕奏收復蓬州蓬池縣開成三十年四月置

牢州貞觀二十一年二月置隸嵩州都督府

榮州武德二年割資州於公井縣貞觀六年移於大牢縣永徽二年移於旭川縣 威遠縣貞觀六年六月置

大牢縣天寶元年八月二十四日改爲應靈縣

靜州永徽四年十月九日置

茂州武德四年五月立爲南會州貞觀八年改爲茂州
劔州永徽五年正月十五日置爲始州先天二年四月
十日復舊焉 劔門縣聖歷二年置

遂州 唐興縣開耀元年正月十七日置天寶元年八
月二十四日改爲蓬溪縣 遂寧縣景龍元年置

閬州先天二年改隆州爲閬州

簡州武德二年置元和四年正月以東川所部復隸劔
南西川

悉州永徽六年分松州左封縣置也

龍州開元十五年六月十五日分戎州置後停
般州開元十五年六月十五日分戎州置後停
昌州乾元二年五月二十一日分資普二州置

嶺南道

廣州 大寧縣垂拱三年置 四會縣武德四年置南
浚州貞觀八年改爲滇州十三年州廢來屬 懷集縣
武德五年置威州貞觀元年廢 泮涯縣武德五年置
涯州貞觀元年州廢來屬

柳州武德四年置南昆州貞觀八年改柳州 洛漕縣

元和十三年正月桂州奏洛封縣元置在洛漕山側請改洛漕縣從之

韶州 湏昌縣光宅元年割始興縣置

康州武德六年置南康州貞觀十二年除南字

桂州長慶二年十二月桂管觀察使殷侑奏當管縣名與陵號同及與諸州縣名同總四縣一縣與肅宗陵號同桂州建陵縣今按圖經牒有脩仁鄉伏請改爲脩仁縣永豐縣與信州永豐縣同按圖經縣下有豐水請改爲豐水縣富州開江縣與開州開江縣同按圖經江係

馬援所開請改爲馬江縣唐州平原縣與德州平原縣同按圖經縣下有思和水請改爲思和縣從之 荔浦縣貞觀三年置十三年廢 臨源縣大曆三年五月改爲全義縣

邕州

藤州元隸容州咸亨三年五月割隸邕州

襄州

籠州

環州

古州貞觀十七年置

業州大歷五年十一月改爲獎州

昭州貞觀八年置

富州元和十年正月桂州觀察使奏請移歸舊城乃從之

巖州元隸容府咸亨三年五月割隸邕州 安樂縣元

和十三年十月容管經畧使奏巖州爲黃洞賊所陷請置行巖州于安樂縣從之

林州貞觀九年改爲繡州

竇州武德四年置南扶州貞觀八年改焉

靜州貞觀八年改南富州

潘州武德四年置南宕州八年改爲潘州

貴州武德四年置南尹州貞觀八年改爲貴州

方州武德四年置貞觀五年又改爲澄州

橫州同上年月置爲南簡州貞觀八年改爲橫州

蒙州貞觀八年置南恭州後改焉

黔州道費夷二州貞觀四年九月開蠻置

溱州貞觀八年置垂拱二年改焉開元十年復舊大歷

五年十一月改爲叙州

珍州本沅州長安四年置舞州開元十二年又改爲鶴州思州貞觀八年改勢州爲思州

黨州建中二年六月并入平琴州改爲黨州

瓊州貞觀五年置十三年廢貞元十五年十月嶺南道節度使李復奏收復瓊州表曰瓊州本隸府管內乾封中山洞草賊反叛都督李逸控馭失所遂致淪陷已經一百餘年臣差判官監察御史姜孟京崖州刺史張少逸等悉力致討累經苦戰方克舊城便令降人開剪

荆榛建立城柵屯集官軍臣竊觀瓊州控壓賊洞若移鎮軍在此必冀永絕姦謀伏望昇爲下都督府仍如瓊崖振儋萬安等五州招討遊奕使其崖州使額請停之崖州 臨高縣貞觀七年割屬瓊州 瓊山縣貞元七年十月合瓊山容瓊爲一縣

交州 安南南定二縣貞元八年六月復置

哥富州

尚思州

安德州貞元十二年七月析安南縣置 慕化縣正義

唐會要 卷三十一
縣已上兩縣上字與憲宗廟諱同永貞元年十月改爲
慕化正義縣也

巒州舊名淳與憲宗廟諱同永貞元年十二月改爲巒
州

橫州從化縣舊名淳風與憲宗廟諱同永貞元年十二
月改爲從化縣

南寧州咸通六年三月四日黔中經略使盧潘奏于清
溪鎮置從之

十二衛

武德元年諸衛因隋舊並爲府至龍朔二年二月四日
並去府字爲衛

左右衛 武德元年二月因隋舊制爲左右翊衛五年
十月去翊字但爲左右衛

貞觀十六年十月上謂左衛大將軍李大亮曰公敦懿
其心誠善事主每行夜自當丙夜遣郎將中郎將行甲
乙丁戊等夜身先於人真將軍也

開元六年六月四日勅左右衛郎將及諸四色官等不
在配雜差之限

左右驍衛 光宅元年改爲左右武威神龍元年復改爲左右驍衛

左右武衛 光宅元年改爲左右鷹揚衛神龍元年二月四日復改爲左右武衛

左右威衛 光宅元年改爲左右豹韜衛神龍元年復改爲左右威衛其年七月又改爲左右屯衛景雲二年八月二十八日又改爲左右威衛

左右領軍衛 龍朔二年改爲左右戎衛咸亨元年十二月二十四日復爲左右領軍衛光宅元年改爲左右

玉鈐衛神龍元年復改爲左右領軍衛

左右金吾衛 武德四年因隋舊制爲左右武侯府龍朔二年改爲左右金吾衛

貞觀十年十二月馬周奏請街置鼓罷傳呼

神龍三年八月二十六日勅諸街舖並令左右金吾中郎將自巡仍各加果毅兩人助巡隊

景雲二年五月七日勅左右衛將軍縱非當上日每日一人押仗其左右金吾將軍亦一人押仗奏平安

乾元元年二月二十二日勅左右金吾內外廊所緣墻

壁廊宇器械等破碎並宜于當色月番人中簡擇巧兒隨事脩理如更別創造緣墻宇所須一切已上俱錄狀奏仍永爲恒式

寶應元年十月二十八日左金吾將軍臧希晏奏諸街舖鼓比來依漏刻發聲從朝堂發遠處每至夜纔到伏望今日已後減常式一刻發聲庶絕違犯勅旨依奏

大曆三年十月三日勅左右金吾引駕仗自今已後每仗置判官兩人左右街使置判官一人並取金吾將軍衛佐充二周年放選優與處分至十二年六月八日勅

考滿後任依常式不在成優放選至十四年七月勅左右金吾引駕仗三衛等承前以來抽充三番將軍手力及都知判官等處并承旨省中承符驅使仍取資課供用禁衛之人不合擅離職掌自今以後宜一切停止

建中元年七月詔以鴻臚寺所統左右威邊營隸金吾貞元二年九月勅諸衛上將軍自今以後每朝下馬至朝堂以來宜令左右金吾作等級差人引接其朝退亦送至上馬處至二年閏二月八日勅四月一日以後五更二點放鼓契九月一日以後五更三點放鼓契日出

後二刻傳點三刻進坐牌

元和十三年十二月左右金吾引駕仗奏以舊例驅儼
偃子等金吾將軍以下並具襴笏引入閣門謹案大儼
者所以驅除羣厲合資威武其光儀襴笏之制常參朝
服舊制未稱今後請各衣錦繡具巾袜帶儀刀部引出
入則與事合宜從之

太和二年三月左右金吾引駕仗奏臣伏以宿衛官健
素有名額因循相習漸慢常經臣自授任以來每懷憂
懼縱寬尸祿何敢敗官况臣丙夜自當竊希往躡西點

親至備聞前規據人數纔二百以來準元額不及大半
去二月十三日已具陳奏令臣搜求諸頭冗剩量減所
由資課詢謀舊例斟酌事情遂遣抽收四百四十名人
數既足他處驅使亦無欠闕輒具條流伏乞勅臣當司
永爲遵守勅旨依奏

會昌三年十一月中書門下奏金吾左右衛副使近者
未一年卽以替換皆因請托莫展勤劬後望令三者滿
卽與換非時不得替換勅旨依奏

左右監門衛 皇朝左右監門府置大將軍中郎將等

龍朔二年改為監門衛舊制凡京司應以籍入官殿門

者皆本司具其官爵姓名以移牒其門

若流外官雜色人並具紀年紀

狀顏門人送於監門者皆勘同然後聽入凡財物器用應

入官者所由以籍傍取左監門將軍判門司檢以入之

應出官者所由以籍傍取右監門將軍判門司檢以出

之其籍月一換

左右千牛衛 武德初為左右府顯慶元年改為左右

千牛衛龍朔年改為左右奉宸衛咸亨年復為左右千

牛衛

延和元年五月二十八日勅千牛將軍中郎將等若有

假故每日通融一人揮仗

大將軍 神龍元年二月十九日置以安國相王為之

千牛 龍朔年改為奉宸咸亨年復為千牛光宅年又

改為奉宸神龍元年二月復為千牛至今不改

永徽元年尚書左僕射褚遂良請千牛不簡嫡庶上表

曰臣聞主祭祀之裔必貴于嫡長擢文武之才無限于

正庶故知求賢之務有異承家前王制禮緣情于斯為

極永嘉以來王塗不競在于河北風俗頓乖嫡待庶若

奴妻御妾若婢廢情虧禮轉相因習構怨于室取笑于朝莫能自悛死而無悔降及隋代斯流遂遠獨孤后罕睢鳩之德同牝鷄之晨普禁庶子不得入侍自始及末怨聲未弭聖朝御歷深革前弊人以才進不論嫡庶于茲二紀多士如林今者簡千牛舍人方爲此制臣竊思審於理未安何者母以子貴子不緣母也今以母非正室使令子無貴仕則趙衰孕于越婢遙集產于胡媪田文枚臯皆妾子也文則播美于強齊臯則有聲于大漢未聞前載有所間然儻側室之子負材而不用君棄之

于上家輕之于下忠孝莫展友愛無施如此等人豈不怨憤雖隔千牛之選仍許二衛之官色類乃復稍殊捍禦至竟無別若唯才是用人自甘心一彼一此異端斯起至如昨來檢責粗人公孫武達及崔仁師等兒多是嫡子故知善惡由乎積習邪正寧限嫡庶必然之理不言可明

開元十一年三月二十八日准令千牛二中上考始進一階既是衛官又須簡試全依職事頗亦傷淹滯若五考滿者折爲四考四考滿者折爲三考三考折爲二考

唐會要 卷三十一
二考折爲一考更有賸考亦准此通折出經一考不在折成其進馬考旣稱第宜倍折

貞元七年十二月五日兵部奏事條取門地清華容儀整肅年十一已上十四已下試讀一小經兼薄解弓馬其蔭取嗣王任常品四品已上清資官宰輔及文武職事正二品已上官御史大夫諸司卿監國子祭酒京兆河南尹子孫主男見任左右丞諸司侍郎及左右庶子應前任并身役蔭者三品已上官仍須兼三品已上階其見任官蔭並不須階庶孽酗酒腋疾等並不應限一

蔭之下不得兩人應補并周親有見任千牛亦不在應限所用蔭若是攝試檢員外兼官等非正闕釐務者並不在應補限應川贈蔭者須承前歷任清資事兼門地與格文相當者其贈蔭降品請準格處分勅旨依奏諸衛中郎將 永徽三年八月二十日避太子諱改中郎爲旅賁改郎將爲翊軍司階二員中候三員司戈執戟各五員亞天授二年四月五日置

胄營 舊爲鎧曹垂拱元年二月改爲胄曹

統軍 興元元年正月二十九日勅六軍宜各置統軍

一人秩從二品

上將軍 貞元二年九月一日勅六軍先已有勅各置
統軍一人十六衛宜各置上將軍一人秩從二品其左
右衛及左右金吾衛上將軍俸料隨軍人馬等同六軍
統軍其諸衛上將軍次于統軍支給自今已後內文武
官闕于文武班中才望相當者相叅叙用仍待已後各
改事于本衛量置衛兵所司續商量條件奏聽進止仍
舉故事置武班朝叅其廊下食亦宜加給稍令優厚
大厯四年七月勅入閣升殿中郎將等帶刀升殿職掌

不輕宜委中書門下精加選擇仍以品第于廊下別與
置厨其千牛郎將宜准此

貞元元年九月十三日勅左右衛左右武衛左右驍衛
左右威衛左右領軍衛左右監門衛左右千牛衛等上
將軍大將軍宜于入宿至四年二月勅選人南北衙宿
衛前任京官等前衛帶衛者依資並予京官

十一年正月勅置四品以下武官以授四夷歸附者仍
定懷化大將軍以下俸錢有差初顯慶三年以四夷君
長來朝者多乃置懷德歸化將軍以授之仍隸諸衛至

是上以降附者名位有差故增置中郎將以下員按國史本

紀及實錄並為懷德歸化將軍而職官要錄與級令及六典為歸化懷德將軍二說不同常有誤者

太和四年五月兵部奏伏以三衛出入禁署番署子弟期于恭恪近日頑弊皆非正身諸衛公然納資訪聞亦不雇召士庶假廕混雜搢紳隙既一開姦濫益入實宜杜絕以序彝倫其資廕三衛並請停廢冀清流品式茂皇猷勅旨依奏

開成元年五月中書門下奏入閣升殿接狀中郎準故事合是左右千牛衛中郎比緣用人未精去年一時除

縣主婿四人臣昨日令勘尋左仗一人身亡準舊例便是金吾仗司於諸衛中郎差替並不申中書門下臣等商量從今以後左右千牛中郎將闕人及在假故遇入閣日望令金吾司申中書門下於南省郎官中權定擇差訖先具名銜申中書門下如臨日揀擇差遣不及則闕而不補冀免乖雜其郎官兼中郎有假故都督便於郎官中權定充替仍先具狀申中書門下勅旨依奏天復三年二月以宰相崔允守司徒兼侍中判六軍十二衛四月崔允奏六軍十二衛名額空存實無兵十京

唐會要 卷五
師侍衛亦藉親軍請每軍召募一千一百人共置六千
六百人從之乃令六軍諸衛副使京兆尹鄭元規立格
召募

東宮諸衛

左右衛率府 龍朔二年二月四日改爲典戎衛咸亨
元年十二月十四日復舊

左右司御率府 龍朔二年爲左右司御衛咸亨元年
改宗衛景雲二年八月二十八日改爲司御率府

左右清道率府 龍朔年爲左右清道衛咸亨年改爲

虞候神龍元年復爲左右清道率府

左右監門率府 龍朔年改爲崇掖衛垂拱元年二月
二日改爲鶴禁府神龍元年復爲左右監門

內率府 龍朔年改爲神裕衛咸亨年復爲內率府垂
拱元年二月二日改爲左右奉御率府神龍元年復舊
興元元年十月詔軍衛及率府五品已上正員武官得
替及以理去任者宜令兵部準五品已上文官例每年
作限條件聞奏

武德三年七月十一日高祖以天下未定將舉關中之
 衆以臨四方乃下詔曰周置六軍每習蒐狩漢增八校
 畢選驍勇故能化行九有威震百蠻况今伊洛猶蕪江
 湖尚梗各因部校序其統屬改復鉦鐸創造徽章取象
 天官作其名號於是置十二衛將軍分關內諸府隸焉
 每將軍一人副一人取威名素重者爲之督以耕戰之

唐會要卷七十二

宋

王

溥

撰

京城諸軍

武德三年七月十一日高祖以天下未定將舉關中之
 衆以臨四方乃下詔曰周置六軍每習蒐狩漢增八校
 畢選驍勇故能化行九有威震百蠻况今伊洛猶蕪江
 湖尚梗各因部校序其統屬改復鉦鐸創造徽章取象
 天官作其名號於是置十二衛將軍分關內諸府隸焉
 每將軍一人副一人取威名素重者爲之督以耕戰之

事軍名傳奕所造

萬年道爲參旗軍長安道爲鼓旗軍富平道爲元戈軍醴泉道爲井鉞軍同州道爲羽林軍華州道爲騎官軍寧州道爲折威軍岐州道爲平道軍邠州道爲招搖軍西麟州道爲游奕軍涇州道爲天紀軍宜州道爲天節軍至六年二月二十四日廢八年五月以突厥爲患復置十二軍

羽林軍 貞觀十二年十一月三日於元武門置左右屯營以諸衛將軍領之其兵名曰飛騎中簡才力驍健善騎射者號爲百騎上遊幸則衣五色袍乘六閑馬賜

猛獸衣羈以從之至永昌元年十月二十八日改百騎爲千騎至景雲元年九月二十七日改千騎爲萬騎垂拱元年五月十七日置左右羽林軍領羽林郎六千人至天授二年二月三十日改爲左右羽林衛以武攸寧爲大將軍神龍元年二月四日又改爲左右羽林軍張柬之等將誅張易之兄弟引右羽林大將軍李多祚籌其事謂曰將軍在此間幾年曰三十年矣柬之曰將軍擊鐘鼎食腰懸金紫綬貴寵當代位極武臣豈非大帝之恩將軍旣感大帝殊澤能有報乎大帝之子見在

唐會要 卷三十一
宮中逆豎張易之兄弟擅權朝夕危逼宗社之重在於將軍誠能報恩正屬今日多祚曰苟緣土室惟相公所使終不顧妻子性命因卽引天地神祇爲要誓辭氣感激義形於色及平內難封遼東郡王至景雲元年八月二十五日又改爲左右羽林軍乾元元年十月四日勅左右羽林左右龍武左右神武軍文武官並昇同金吾四衛

神龍元年田歸道爲殿中監押千騎宿衛于元武門敬暉之討張易之昌宗也遣使就索千騎歸道旣先不預其謀拒而不與及事定暉等欲誅之歸道有辭免令歸第中宗嘉其忠壯拜太僕少卿

二年七月二日勅左右羽林飛騎廚食准國子監例委軍司自定官典押當

景龍元年十月停戶奴爲萬騎先天二年正月詔往者計戶充軍使二十一入募六十出軍多憚劬勞咸欲避匿不有釐革將何致理應令天下衛士取年二十五已上者充十五年卽放出頻經征鎮者十年放出自今後羽林飛騎並於衛士中簡補

開元十年九月二十七日初駕在京左右屯營宜於順
義景風門內安置北衙亦著兩營大明北門安置一營
大內北門安置一營駕在東都左右屯營於賓曜右掖
門內安置兼於元武北門左右廂各據地界繞宮城分
配宿衛十八年十一月五日勅應補萬騎宜待本使挾
名錄奏勅下然後給食糧者二十六年十一月析左右
羽林軍置龍武軍以左右萬騎營隸焉或出二十七年
三月二十七日
天寶五載三月十八日勅應募飛騎請委郡縣長官先
取長六尺不足卽選取五尺九寸已上灼然闊壯膂力

過人者申送

七載七月二十日勅左右羽林軍飛騎請准後加數通
舊一萬五千人爲定額六番上下至德二年十月十四
日左右神武兩軍先取元扈從官子弟充如不足任於
諸邑中簡取二千人爲定額其帶品人並同四軍例白
身准萬騎例仍賜名神武天騎永爲恒式

寶應二年六月以前淮西節度使安州刺史王仲昇爲
右羽林大將軍知軍事仍兼御史大夫六軍將軍兼憲
官自此始也

唐會要 卷三 四
廣德二年正月勅左右神武等軍各一千五百人爲定額左右羽林軍各以二千人爲定額

貞元三年五月左右神武等軍各加將軍一員上以諸道大將有功勞者將擢掌禁兵故增其官員以待之仍以浙西大將王栖曜李長榮河東大將郭定元符璘充之

四年八月勅左右羽林軍飛騎等兵部召補格勅甚明軍司不合擅有遲越自今以後不得輒自召補

元和二年正月勅左右羽林軍應管月番飛騎總五千

六百一十三人宜停其四月勅左右威遠營置來已久著在國章近置英武軍及加軍額宜從併省以正舊名其英武軍額宜停將士及當軍一切已上並合入左右威遠營依前置使二人勾當

十三年十二月勅左右龍武等六軍及威遠營應納課戶其一千八十人所請衣糧宜並勒停仍委本軍具名

牒送府縣收管自貞元以來長安富戶皆隸要司求影庇禁軍挂籍十五六焉至有恃其多藏

安處闖闖身不宿衛以錢代行謂之納課戶至是禁絕

天祐二年正月二十二日勅威遠軍宜停廢其所管兵

士便隸六軍其軍使張勤宜却守本官歸班

神策軍 天寶初哥舒翰破吐蕃於臨洮城西二百餘

里遂請以其地爲神策軍朝廷以成如璆爲洮陽太守

兼神策軍使及安祿山反如璆使其將衛伯玉領神策

軍千餘人赴難于相州城下官軍相州之敗伯玉收其

兵與觀軍容使魚朝恩同保陝州時西邊土地已沒遂

詔伯玉所領軍號神策軍以伯玉爲軍使與陝州節度

使郭英乂同鎮于陝觀軍容使魚朝恩亦在焉勅伯玉

以其兵東討有功遂加號神策軍節度使伯玉尋歸朝

英乂兼領神策軍節度使尋追郭英乂爲僕射其軍遂

統於觀軍容使屬廣德初代宗幸陝朝恩率神策軍以

迎兼護車駕幸其營焉京師克平朝恩以所統軍歸於

禁中至大厯五年朝恩得罪死以其將劉希暹代之是

歲希暹復得罪以朝恩舊將王駕鶴代將建中四年以

白志貞代之朱泚之亂德宗幸奉天志貞流貶李晟自

山東詔加神策行營節度使興元克復晟出鎮鳳翔始

分神策爲左右廂令內官竇文場王希遷分知兩廂兵

馬

貞元二年九月二日神策左右廂宜改爲左右神策軍
每軍置大將軍二人秩正三品將軍各二人從三品殿
前射生左右廂宜改爲殿前左右射生軍各置大將軍
二人秩止三品將軍二人秩從三品將軍二人從秩五
品其職田俸錢手力糧料等同六軍十二衛至三年四
月十七日左右射生宜改爲左右神威軍三年勅左右
軍各加置將軍一員六年八月鑄藍田渭橋等鎮邊使
印凡二十三顆七年詔武威神策大將軍自相訟委官
司推勘與百姓相訟委府縣推勘小事移牒大事奏取

處分軍司府縣不相侵十年京兆尹楊於陵奏諸軍影
占編戶無以別白請置挾名勅每五丁者得兩人入軍
四丁三丁者差以條限從之

十四年八月詔曰左右神策軍特爲親近宜署統軍以
崇禁衛其品秩俸祿料一事以上同六軍統軍例

二十一年三月以檢校尚書右僕射右金吾大將軍范
希朝爲兼右神策統軍充左右神策京西諸城鎮行營
節度使駐於奉天王叔文欲專兵權藉希朝年老舊將
使主其名又以其黨韓泰兼御史中丞充左右神策京

西諸城鎮行營兵馬節度使行軍司馬且欲因而代之
會邊上諸將各以狀辭中尉且言方屬希朝中尉始悟
兵柄爲叔文等所奪仍令其使歸告諸將曰無以兵屬
及希朝至奉天諸將無至者韓泰馳歸白之叔文計無
所出

元和二年正月京兆尹李鄘奏三原高陵涇陽興平等
四縣兵管烽二十八所每年差烽子計九百七十五人
遠近無虞畿內烽燧請停從之三年正月詔普潤鎮兵
馬使隸左神策軍良原鎮兵馬使隸右神策軍其月罷

左右神威軍額合爲一軍號曰天威軍至八年廢天威
軍以其騎士分屬左右神策衛穆宗嘗欲簡選武士復
立此軍以爲心腹謀於宰臣裴度以爲不便遂止

十三年四月內出印六紐賜左右三軍辟仗使舊制內
官爲六軍辟仗使監視刑賞奏察違謬猶外征方鎮之
監軍使初不置印于時監軍使張奉國李文悅嘗見工
徒出入官衙慮外患初息禁中營繕或多因白宰臣冀
以論諫宰臣裴度遂諫之上怒奉國等不自陳而外議
禁中事絕其朝請數月納度之諫釋之遂授奉國鴻臚

唐會要卷三十一
卿文悅左威衛大將軍充威遠軍使龍武軍既闕帥由是命辟仗使主軍印異於事其軍之佐吏或抗言以論或移疾請告於是特賜辟仗使印俾專事焉其年六月京兆尹李遊奏諸司使諸軍所由官徒等共九十四人挾名伏檢元和二年三月敕並委京兆府比從十年更無逃亡補替等處遂使影占文牒散在村坊凡欲差役皆無憑據臣祈請詣司案舊名額自元和二年其逃亡補替挾名鄉縣牒臣當府令別與左右神策金吾軍伏乞聖慈一例處分度明區別永久有常敕左右軍已後

別敕處分餘並依

長慶二年三月詔曰如聞近日武班之中淹滯頗久又有諸道薦送大將或隨節度使歸朝自今已後宜令神策六軍使及兩衙常參武官各具由歷并前後功績牒送中書門下若勲伐素高人才特異者量加獎擢其常參武官准具歷官年月改轉勿令淹滯四年三月制敕應屬諸軍諸司諸使人等於城市及畿內村鄉店舖經紀自今已後宜與百姓一例差科不得妄有影占

開成三年九月敕左右神策軍所奏將吏改轉比多行

唐會要 卷三
牒中書門下使覆奏處置今後令軍司先具聞奏狀到中書然後檢勘進覆

會昌元年二月敕左右神策軍先有奏正員官大將請授官事起今已後宜依資改轉如無正員官者軍司欲爲奏論須有功績者宜具事跡奏聞當爲甄獎不在注擬之限五年七月敕左右神策軍定額官各十員判官三員勾覆官支計官表奏官各一員孔目官二員驅使官二員改轉止於中下州司馬並不擬登朝官其驅使官從使挾名敕下各從補後計四年優放選其十員官

如官滿及用闕本軍與奏仍由中書門下依資擬注官判以下員如老弱不任道途事須停解者終身不許更有叅選如有殿犯卽據官判以下或謫官覆資或罪輕停解者亦須終身不許更有叅選仍永爲常式其元和二年十員定額官勅不在行用之限六年十一月勅左右神策軍自今已後如有奏判官以下官額十員請轉官者宜委中書門下依元和二年流例與覆奏進擬其會昌五年七月四日釐革定額轉官勅自今已後不要行大中五年十月京兆尹韋諷奏京畿戶於諸軍影占

苟免府縣差役或有追計軍府紛然請准會昌五年十
二月勅諸軍使不得強奪百姓入軍從之

光啓六年四月以右金吾衛將軍齊國公田令孜爲左
右神策軍使時自蜀中護駕令孜召募新軍五十四都
每都千人左右神策各二十七都分爲五軍令孜總領
之

府兵

武德元年五月改隋鷹揚郎將爲軍頭六月十九日改
軍頭爲驃騎將軍副爲車騎將軍六年五月十六日車

騎將軍府隸驃騎府七年三月六日改驃騎將軍爲統
軍車騎爲副統軍至貞觀十年改統軍爲折衝都尉副
爲果毅都尉凡府以衛士一千二百人爲上府一千人
爲中府八百人爲下府在赤縣爲赤府在畿爲畿府衛
士以三百人爲團有校尉五十人爲隊三十人爲火有
長備六馱馬驢初置八馱後改爲六米糧介冑戎器餽募貯之府
庫以備武事關內置府三百六十一積兵士十六萬舉
關中之衆以臨四方迺置十二軍分關中諸府以隸焉
每歲十一月以衛士帳上于兵部以俟徵發天下衛士

尚六十萬初置以成丁而入六十出役其家不免征徭
通計舊府六百三十三河東道府額亞於關中河北之
地人逐漸逃散年月漸久逃死者不補三輔漸寡弱宿
衛之數不給

永徽三年十一月勅折衝果毅老弱簡退者宜同致仕
開元六年五月二十七日勅請折衝府兵每年一簡點
至時所司條奏

十一年十一月二十日兵部尚書張說置長從宿衛兵
十萬人於南衙簡京兆蒲同岐等州府兵及白丁隹尺
八例一年兩番州縣更不得雜使役仍令尚書左丞蕭
嵩與本州長官同揀擇以聞至十三年二月二十一日
始名曠騎分隸十二衛十六年二月二十五日曠騎弓
手宜改爲左右羽林騎二十六年八月十日勅三衛當
番逢閏併比諸色稍亦艱辛諸每至閏月取以次番人
循環當上庶免偏併二十九年閏四月勅應簡三衛曠
騎宜令京畿採訪使御史中丞張倚兼知不須更別差
使從今已後使有移改亦當令一中丞相知勾當
天寶八載五月九日停折衝上府下魚書以無兵可交

至末年折衝府但有兵額其軍士戎器六駄鍋幕糗糧
並廢令日給食下雖如亦當令日給食
寶應元年四月十七日畿縣折衝府闕官本縣令攝判
其手力每府不得過一人

軍雜錄

永徽元年四月勅衛士掌閑募士遭喪合期年上者宜
聽終制三年

開元十三年四月二十一日勅四軍槍稍左飛騎用綠
紛右飛騎緋紛左萬騎紅紛右萬騎碧紛

十五年二月三日勅諸軍不得奏置參謀軍事

天寶八載五月十八日於開遠門外作振旅亭以待兵
回

九載七月五日諸衛應隊仗所用緋色旗幡等並改爲
赤黃以符土運其諸節度使亦准此

十一載八月十一日改諸衛士爲武士

十四載十一月二十七日於京師召募十萬衆號曰天
武健兒

天寶末天子以中原太平修文教廢武備銷鋒鏑以弱

天下豪傑於是挾軍器者有辟蓄圖讖者有誅習弓矢者有罪不肖子弟爲武官者父兄擯之不齒惟邊州置重兵中原乃包其戈甲示不復用人至老不聞戰聲六軍諸備之士皆市人白徒富者販繒絲食梁肉壯者角抵拔河翹木扛鐵日以寢鬪有事乃股慄不能授甲其後盜乘而反非不幸也

廣德二年三月禁王公百吏家及百姓著皂衫及壓耳帽子異諸軍官健也

永泰二年正月勅諸王駙馬不得參掌禁兵見任官者並令改職

大曆二年二月二日勅皇五等己上親不許與軍將婚姻駙馬郡主壻不許與軍將交游

十年正月詔諸道軍甲每年秋末冬首一申春夏不須申其官健逃亡非承正制勅不得輒召募

十二年十月禁京畿持兵器捕獵

建中四年四月初令京師募兵以神策使白志貞爲之使又故節度觀察使武將家出僮馬具戎裝從軍自是京師人心震搖不保家室

貞元元年六月詔槍甲之屬不蓄私家

四年三月自武德東門築垣約左藏庫之北屬於宮城東城垣於是武庫入而廢焉其器械隸於軍器使

元和元年三月敕京城內無故有人於街衢中帶戎仗及聚射委吏執送府縣科決其諸軍諸使禁身奏取進止

其年六月十三日勅單身百姓父年七十以上及無父其母年六十以上並不得差征鎮

六年三月京兆尹王播奏詣縣軍鎮放牧人等不得帶

弓箭刀劍器仗從之

太和元年十一月勅如聞京城百戶多於坊曲習射宜令禁斷其諸軍諸使各仰有司自差人覺察

開成元年正月勅坊市百姓甚多著緋阜開後襖子假託軍司自今以後宜令禁斷

其年三月皇城留守奏城內諸司衛所管羽儀法物數內有陌刀利器等伏以臣所管地附近宮闕兼有倉庫法駕羽儀分投務繁守捉人少前件司衛皆有刀槍防虞所管將健並無寸刃其諸司衛所有陌刀利器等伏

唐會要卷三十五
請納在軍器使如本司要立仗行事請給儀刀庶無他
患勅旨宜令送納軍器使令別造儀刀等充替

大中六年九月勅京兆府奏條流坊市諸車坊客院不
許置弓箭長刀如先有者並勒納官百姓所納到弓箭
長刀等府縣不合收貯宜令旋納弓箭庫仍委司府切
加覺察所守等不得輒有藏隱

大順二年四月二十五日勅諸道軍人及在京諸司人
吏並不得私置器械仍明出文榜曉示

馬

貞觀二十一年八月十七日骨利幹遣使朝貢獻良馬
百匹其中十匹尤駿太宗奇之各爲製名號曰十驥其
一曰騰雲白二曰皎雪驄三曰凝露白四曰元光驄五
曰决波駒六曰飛霞驃七曰發電赤八曰流金馭九曰
翔麟紫十曰奔虹赤上乃叙其事曰骨利幹獻馬十匹
特異常倫觀其骨大叢粗鬣高意濶眼如懸鏡頭若側
搏腿像鹿而差圓頸比鳳而增細後橋之下促骨起而
成峯側韉之間長筋密而如瓣耳根鐵勒杉材雖方尾
本高麗掘搏非擬腹平賺小自勁驅馳之方鼻大喘疎

不乏往來之氣殊毛共櫪狀花藥之交林異色同羣似
雲霞之間彩仰輪烏而競逐順緒氣而爭追噴沫則千
里飛紅流汗則三條振血塵不及起影不暇生顧見彎
弓逾勁羽而先及遙瞻伏獸占人目而前知骨法異而
應圖工藝奇而絕象方馳大宛固其駑蹇者歟

永隆二年七月十六日夏州羣牧使安元壽奏言從調
露九年九月已後至二月五日前死失馬一十八萬四
千九百匹牛一萬一千六百頭

開元二年九月太常少卿姜晦上疏請以空名告身於

六胡州市馬率三十匹馬酬一游擊將軍

時廢中馬關乃從之

十三年張說爲隴右羣牧使頌云大唐承周隋離亂之
後貞觀初僅得牝牡三千從赤岸澤徙之隴右仍命太
僕卿張萬歲葺其政焉至麟德中四十年至七十萬六
千匹置八使以董之設四十八監以掌之跨隴右金城
平涼天水四郡之地幅員千里猶爲隘狹更析八監布
於河曲豐曠之野乃能容之於斯之時天下以一縑易

一馬及張氏中廢二十年間所殘葺寡

張氏三代典羣牧恩信行於隴

右人以馬歲爲四齒兩齒亦謂之背
二向三者爲張氏家諱歲字者也

唐會要 卷三
天寶六載十二月九姓堅昆及室韋獻馬六十匹令於西受降城使納之

十三載六月一日隴右羣牧都使奏臣差判官殿中侍御史張通儒羣牧副使平原太守鄭遵意等就羣牧交點總六十萬五千六百三頭匹口馬三十二萬五千七百九十二匹內二十萬八千匹駒牛七萬五千一百一十五頭內一百四十三頭犛牛駝五百六十三頭羊二十一萬四千一百三十四口騾一頭

十五載六月上幸蜀發扶風郡閑廄使任沙門盜廄馬十餘匹以叛太子至平涼郡遂蒐閱官監及私羣牧馬數萬匹軍威始振

大曆七年八月迴紇使還蕃以國信物一千餘乘遣之迴紇恃功自乾元後仍歲來市以馬一匹易絹四十匹動至數萬馬其使候遣繼留於鴻臚寺者非一番人欲帛無厭我得馬無用朝廷甚苦之時特盈數遣之以廣恩惠使其知愧

建中元年五月詔市鬪輔牝馬三萬匹以實內廄貞元元年八月吐蕃率羌渾之眾犯塞分遣中官於潼

關蒲關武關禁大馬出界

十四年四月勅鑄左右軍征馬使印各一紐

二十一年四月罷閩中萬安監先是福建觀察使柳冕久不遷欲因事以求恩寵奏云閩中南朝放牧之地可致牛馬蕃息請置監牧許之大收境內畜產牧放其中羊之大者不過十觔馬之良者直錢數千不經時輒死又却歛以充之百姓怨苦之由是監觀察使閻濟美奏罷之

元和四年三月詔內廐之馬其數尚多委飛龍使其條

流減省聞奏

十一年正月以討吳元濟命中使以絹萬匹市馬於河曲其月迴紇使獻橐駝及馬以內庫絹絹六萬匹償廻紇馬直

十三年十一月閑廐使理岐陽舊馬坊地三百四十七頃盡歸之國家自貞觀至麟德中國馬四十萬匹皆牧河隴開元中尚有二十七萬雜以牛羊等不啻百萬置八使四十八監占隴西金城平涼天水四郡幅員千里自長安至隴西置七馬坊爲會計所都領岐隴間善水

唐會要 卷三
草及膏腴田皆屬七馬坊名額盡廢其地利歸於節度使長慶元年正月靈武節度使李聽奏請於淮南忠武武寧等道防秋兵中取三千人衣賜月糧賜當道自召募一千五百人馬驍勇者以備邊仍令五十人爲一社每一馬死社人共補之馬永無闕從之其年三月范陽節度使劉總請進馬一萬五千匹

大中六年六月河東節度使兼太原尹李業奏當管諸軍州草馬准貞元三年十二月十三日勅文不許出界又准去年五月十五日司門轉牒諸道應有草馬准勅

並不命出界今緣近日諸道差人於當管市馬不依敕文并收草馬伏乞天恩詔下諸道准元勅約勒旨宜令本道准元勅處分如有違者卽與區處聞奏

諸監馬印

凡馬駒以小官字印印右膊以年辰印印右髀以監名依左右廂印印尾側

若形容端正擬送尚乘者則須不印監名

至二威起脊量強弱漸以飛字印印右膊細馬次馬俱以龍形印印項左送尚乘者於尾側依左右閑印以三花其餘雜馬齒上乘者以風字印左膊以飛字印左髀

經印之後簡習別所者各以新入處監名印印左頰官
馬賜人者以賜字印諸軍及充傳送驛者以出字印並
印右頰

景雲三年正月十四日勅諸王公主家馬印文宜各取
本號

諸番馬印

骨利幹馬本俗無印惟割耳鼻爲記結骨馬與骨利幹
馬相似少不如印出

悉密馬與結骨相似稍不如印關

葛邏祿馬與悉密相類在金山西印關

已上部落同種類

杖曳固馬與骨利幹馬相類種多黑點驄如豹文在瀚
海南幽陵山東杖曳固川

同羅馬與杖曳固川相類亦出驄馬種在洪諾河東南
曲越山北幽陵山東印○

延陀馬與同羅相似出駱馬驄馬種今部落頗散四出
者多今在幽州北印○

僕固馬小於杖曳固與同羅相似住在幽陵山南印○

阿跌馬與僕骨馬相類在莫賀庫寒山東南安置今鷄田州印出

已上部落馬同種類其印各別

契馬與阿跌馬相似在閻洪達井已北獨樂水已南今

榆溪州印全

康國馬康居國也是大宛馬種形容極大武德中康國獻四千匹今時官馬猶是其種

突厥馬技藝絕倫筋骨合度其能致遠田獵之用無比史記匈奴畜馬卽騊駼也

蹕林州匍利羽馬印瓦

迴紇馬與僕骨相類同在烏特勒山北安置印瓦

俱羅勒馬與迴紇相類在特勒山北印瓦

苾羽馬與迴紇同種印瓦

餘沒軍馬與迴紇相類印州

赤馬與迴紇苾餘沒渾同類印行

阿史德馬與蘇農執失同類在陰山北庫延谷北西政

連州印出

恩結馬磧南突厥馬也煨漫山西南閻洪達井東南於

貴摩施岑盧山都督印考

葛利羽馬磧南突厥馬也剛摩利施山北今躡林州印

勿

契必馬與磧南突厥相似在涼州闕氏岑移向特勒山

住印北

奚結馬與磧南突厥馬相類在鷄服山南赫連枝川北

住今鷄祿州印坎

已上部落馬同種類

斛薛馬與磧南突厥同類今在敕金門城北陰山安置

今臯蘭州印互

奴刺馬與磧南馬相類今日登州印夙

蘇農馬印琴

闕阿史德馬印兕

拔延阿史德馬印乙

熱馬印禿

已上定襄府所管

舍利叱利等馬印仄

阿史那馬印仄

葛羅枝牙馬印

綽馬印

賀魯馬印

己上雲中府管

阿豔馬印

闕

康曷利馬印

安慕路真馬印

安賒和馬印

沙陁馬印

處苾山馬印

渾馬與斛薛馬同類今臯蘭都督又分部落在臯蘭山

買浚鷄山印


契丹馬其馬極曲形小於突厥馬能馳走林木間今松

漠都督印

奚馬好筋節勝契丹馬餘並與契丹同今饒樂都督北

印

Vertical columns of text within a rectangular frame on the right page of an open book. The text is written in traditional Chinese characters and is organized into approximately 12 columns. The paper shows signs of age and wear, with some faint markings and discoloration.



書